



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-138-4/26**

Datum: **10.07.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica «DELTA PETROL» d.o.o. Kakanj za donošenje rješenja o vodnoj dozvoli za ispuštanje oborinskih onečišćenih i tehnoloških otpadnih voda sa lokacije kompleksa objekata koji čine kalibraciona laboratorija, stanica za prikupljanje rabljenih ulja, benzinska pumpa, samouslužna autopraonica i ostali prateći sadržaji, izgrađenih u naselju Čatići, općina Kakanj, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «DELTA PETROL» d.o.o. Kakanj daje se vodna dozvola za ispuštanje oborinskih onečišćenih i tehnoloških otpadnih voda sa lokacije kompleksa objekata koji čine kalibraciona laboratorija, stanica za prikupljanje rabljenih ulja, benzinska pumpa, samouslužna autopraonica i ostali prateći sadržaji, izgrađenih u naselju Čatići, na zemljištu označenom kao k.č. broj 1078/1 i 1078/2 K.O. Čatići, općina Kakanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Skladištenje nafte i naftnih derivata, kao i izdvojenog opasnog otpada, vršiti u podzemnim dvoplašnim čeličnim rezervoarima ukupne zapremine 200 m³ (1x100 m³ za naftu i naftne derivate i 1x50 m³ za izdvojeni opasni otpad, te 1x50 m³ u objektu kalibracione stanice).
 - 2.3. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih, radnih i manipulativnih površina, zajedno sa tehnološkim otpadnim vodama iz samouslužne autopraonice, nesmetano sakupljaju i odvođe do objekata predviđenih za tretman onečišćenih voda (separatori ulja i masti), a zatim ovako tretirane vode ispuštaju u odvodni kanal sa krajnjim ispustom u rijeku Bosnu.
 - 2.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 2.5. Prečišćene oborinske onečišćene i tehnološke vode moraju ostati u maksimalno dopuštenim granicama definisanim članovima 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.6. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separatori ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti, može vršiti isključivo ovlaštena firma za tu vrstu djelatnosti, prema posebnom ugovoru. Korisnik je obavezan redovno voditi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 2.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, u skladu sa članom 117. stav (1) i članom 129. Zakona o vodama, daje se sa rokom važenja od 5 (pet) godina od dana pravosnažnosti ovog rješenja.
 11. Prije isteka važenja ove dozvole, korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «DELTA PETROL» d.o.o. Kakanj, dana 06.04.2026. godine, podnijelo je zahtjev za izdavanje vodne dozvole za ispuštanje oborinskih onečišćenih voda i tehnoloških otpadnih voda sa lokacije kompleksa objekata koji čine kalibraciona laboratorija, stanica za prikupljanje rabljenih ulja, benzinska pumpa, samouslužna autopraonica i ostali prateći sadržaji, izgrađenih u naselju Čatići, na zemljištu označenom kao k.č. broj 1078/1 i 1078/2 K.O. Čatići, općina Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-25-000256 od 02.04.2025. godine izdatog od Općinskog suda u Zenici,
- Ovjerena kopija Uvjerjenja o registraciji poreznog obveznika od 17.07.2019. izdatog od Porezne uprave Federacije BiH-Kantonalni porezni ured Zenica,
- Dokaz o uplaćenju upravnoj taksi,
- Kopija Rješenja o odobrenju za korištenje sagrađenog objekta kalibracione stanice broj: 0-02/2-1002/01 od 24.12.2001. godine izdatog od Općine Kakanj,

- Kopija Rješenja o upotrebi građevine (rekonstruisana benzinska stanica) broj: 12-23-08744/12 od 13.03.2013. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju korištenja objekta samouslužne autopraonice broj: 04/1-23-3199/16 od 21.12.2016. godine izdatog od Službe za privredu, urbanizam i zaštitu okoline Općine Kakanj,
- Kopija Rješenja o davanju ovlaštenja za obavljanje poslova provođenja mjera otklanjanja ili sprečavanja zagađenja voda u slučaju iznenadnog zagađenja ili opasnosti od iznenadnog zagađenja voda broj: UP-I-07-21-5666/24 od 10.03.2025. godine izdatog od Federalnog ministarstva poljoprivrede, vodoprivrede i šumarstva,
- Kopija Rješenja o okolinskoj dozvoli broj: UP1-12-19-6802/24 od 02.06.2025. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o dozvoli za upravljanje otpadom i njegovo odlaganje broj: 12-19-05568/21 od 06.08.2021. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-047-4/21 od 20.04.2021. godine izdatog od «Agencije za vodno područje rijeke Save» Sarajevo,
- Kopija Ugovora o tretmanu konačnog zbrinjavanja, broj: 1612/21-DS, zaključen dana 19.07.2021. godine sa «TVORNICA CEMENTA KAKANJ» d.d. Kakanj,
- Izvještaj o monitoringu kvaliteta i kvantiteta otpadnih voda objekata «DELTA PETROL», Kakanj broj: 2362/25, decembar 2025. godine, urađen od «Inspekt-RGH» d.o.o. Sarajevo (na uvid),
- Operativni plan mjera u slučaju vanrednih i incidentnih onečišćenja voda za «DELTA PETROL» d.o.o. Kakanj-Čatići, decembar 2023. (na uvid),
- Glavni projekat djelimične rekonstrukcije broj: T.D. 18/10-G, kolovoz/avgust 2010. godine, urađen od «TOMIĆ-INŽENJERING» d.o.o. Ljubuški (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-138-3/26 od 04.06.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks objekata, koji sačinjavaju kalibraciona laboratorija sa kancelarijskim prostorom, stanica za rabljena ulja, skladište za otpadni materijal, benzinska pumpa, samouslužna autopraonica sa 2 boksa za pranje vozila i radionica, je izgrađen u naselju Čatići, na raskrsnici regionalnih puteva Kakanj-Visoko i Kakanj-Kraljeva Sutjeska, općina Kakanj.
- Za predmetni kompleks je ranije kod ove Agencije ishodovano Rješenje o vodnoj dozvoli broj: UP-I/25-3-40-047-4/21 od 20.04.2021. godine. U toku uviđaja utvrđeno je da nije bilo izmjena u odnosu na naprijed navedenu vodnu dozvolu.
- Za predmetni kompleks (bez benzinske pumpe i autopraonice) Ministarstvo za prostorno uređenje, promet i komunikacije i zaštitu okoline Zeničko-dobojskog kantona je izdalo okolinsku dozvolu.
- Pravno lice «DELTA PETROL» d.o.o. Kakanj posjeduje dozvolu za upravljanje otpadom i njegovo odlaganje na lokalitetima Čatići i Industrijska zona Vrtlište, te pružaju usluge čišćenja rezervoara za gorivo i separatora masti i ulja. Također, posjeduju ovlaštenje za obavljanje poslova provođenja mjera otklanjanja ili sprečavanja zagađenja voda u slučaju iznenadnog zagađenja ili opasnosti od iznenadnog zagađenja voda.
- Za tretman prikupljenih otpadnih voda iz separatora i rezervoara za gorivo se koriste specijalna vozila (autocisterne sa dinamičkim separatorom). Reciklaža se radi na licu mjesta. Prečišćena voda se vraća u separator, odnosno ispušta u kanalizaciju prije separatora na licu mjesta, a opasni zauljeni ostatak se odvozi u Stanicu za rabljena ulja. U Stanici za rabljena ulja se prikupljaju i stara ulja iz servisa i automehaničarskih radionica. Prikupljeni opasni otpad se konačno zbrinjava u Cementari Kakanj. Neopasni otpad se prikuplja u za to namjenjene kontejnere i odvozi od strane komunalnog preduzeća JP «VODOKOM» d.o.o. Kakanj.
- Zauljene oborinske vode sa radnih, saobraćajnih i manipulativnih površina kompleksa i benzinske pumpe, kao i tehnološke otpadne vode iz samouslužne autopraonice, se sistemom linijskih slivnih rešetki, uličnih slivnika i kanalizacione mreže prikupljaju i odvođe na tretman u tri serijski spojena

separatora masti i ulja. Prvi je armirano-betonski iz kojeg otpadna voda ide do 2 tipska separatora. Preliv iz zadnjeg separatora se, preko okna za monitoring, odvodi se u odvodni kanal sa krajnjim ispuštom u rijeku Bosnu.

Radne, saobraćajne i manipulativne površine su završno obrađene asfaltom, odnosno betonom, sa padovima prema slivnicima.

- Smještaj goriva za potrebe benzinske pumpe se vrši u ukopanom čeličnom dvoplašnom rezervoaru kapaciteta 100 m³. Za prihvatanje rabljenih ulja i izdvojenog opasnog otpada je izgrađen ukopani čelični dvoplašni rezervoar kapaciteta 50 m³, te rezervoar kapaciteta 50 m³ koji se koristi za potrebe Kalibracione stanice.
- Za privremeno skladištenje opasnog otpada se koriste i odgovarajuće posude smještene u natkrivenom prostoru.
- Snabdijevanje vodom je obezbijeđeno putem priključka na gradsku vodovodnu mrežu kojom upravlja JP «VODOKOM» d.o.o. Kakanj.
- Sanitarno-fekalne otpadne vode se zasebnim sistemom kanalizacije prikupljaju i odvoje na tretman u trokomornu septičku jamu sa ispuštom u odvodni kanal te potom u rijeku Bosnu.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda objekata «DELTA PETROL», decembar 2025. godine, urađen od «Inspekt-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva ovog rješenja propisani uslovi u skladu sa odredbama članova 53. i 116. Zakona o vodama, članova 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije. Utvrđeno je da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-138-2/26 od 03.06.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- «DELTA PETROL» d.o.o.
Ulica Alije Izetbegovića 149, 72240 Kakanj
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava